



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

BIU Santé
Médecine
Paris

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis decimâ-nonâ
mensis Februarii, anno Domini M. DCC. LXXX.*

M^o. FRANCISCO GASPARDO DIDERON, Doctore Medico, Præside.

An Vulneribus ex Catapultis globulos plumbeos relinquere, aliquando præstat?

I.

AD vitam unus tantum patet ingressus ad mortem innumeri; ut illam doloribus auspicamur, sic ab eâ ejicimur laborum vi: undique mala circumstrepunt; utique bellum & insidiæ. Mundus in solius hominis utilitatem factus, videtur odio in ipsum plenus. Hyems scelerato frigore necat. Ver infinito mor-

A

borum numero de medio tollit: Æstas immodicâ siccitate, vitæ principia depopulatur. Autumnus cum fructibus, ut par sit mensura malorum, morbos creat atrocissimos, qui mortales plerumque ex viventium numero expungunt: Ast non satis est ut natura per se sit adeò malorum ferax, acuitur ferrum, temperantur venena, accenditur flamma, ut corporis & animæ dirimatur societas. Hinc innumera armorum species, si ex ligno tantum, ut fustes & clavæ herculeæ, contundentes; si ex ferro simul & ligno, enses scilicet, gladii, sagittæ, tela, lanceolæ, non solum carnes sed & venas, arterias, tendines, membranasque secant, læduntque; si ex ære, ferro & igne ut sclopeti, catapultæ, tormenta bellica, non solum contundunt ac dividunt, sed partes dilacerantur, earum substantia consumitur, gangrænâ & sphacelo pereunt, undè vulnura & plagæ omnis generis sobolescent, quibus solidorum ordo fluidorumque mixtio penitus turbatur.

I I.

CORPUS humanum nihil aliud est quàm congeries indefinitorum canaliculorum, tubulorum, vasculorum, fluida varii generis corpuscula transmittentium; si aliquid grave supra incidat ad idipsum collidat, continuitatem solvat citrà deperditionem manifestam substantiæ aut externam rupturam, in parte carneâ cruor colligatur sub cute, venæ exiguæ rumpantur, est tantum contusio; si in eâdem parte fiat solutio continuit ab instrumento secante aut pungente cum violentiâ, vulnus simplex audit; si à violentiâ quâdam extrinsecus in os adveniat, fractura; si plaga sit cutis, carnis, venarum, articularum; nervorum vi ignis impressâ, humidum radicale illicò exsiccat, caro, venæ, arteriæ, nervi, contrahuntur, in escharam siccantur: tunc corpus fit impurum, pravis humoribus refertum, iis ad partem affectam confluentibus vulnus torpescit, caro contusa putrescit; natus calor destruitur & glissante serpenteque contagio partes vicinæ infestantur, necnon faciliè in gangrænâ degenerant, nisi citò adhibeantur remedia

I I I.

MAGNO vibratur impetu globulus plumbeus cutemque attingit? statim partes ictæ, nervi, tendines, fibræ atque varii tubuli variè dirumpuntur; tum contusione & attritu maximam concipiunt inflammationem & putredinem, unde vulnus complicatum, quod fit ex ictûs vehementiâ multarumque partium, præ-

3

terrim nervearum divortio ; hinc statim fiunt stagnationes, coagulationes, fiunt nova concreta, variæ oriuntur excrescentiæ, quibus accedunt interdum aëris ambientis intemperies, ut cœlum Austrinum, corporis Cacochymia, fragmenta ferrea, flocci, tomenta, vestimentorum frustula, pulveris pyrii portio quædam ignescens & similia, quæ rapidè in corpus trusa dolores excitant fluxiones movent. Erethismum partibus solidis creant, undè impeditur earum coalitus.

I V

PLUMBUM metallum est constans ex sulphure indigesto, sale aluminoso, ac mercurio naturam antimoniam æmulante ; refrigerat, astringit, incrassat, vulnera carnibus implet, cicatricem obducit, vulneribus cancris & putredinosis convenit virtute suâ exsiccante, demulcet & discutit humores, dulcedine nativâ mitigat ; globuli plumbei nec partibus solidis Erethismum creant, nec fluidis acorem inducunt, partium divisarum unionem non impediunt, nec putredinem pariunt : imò sunt veluti sapo ad abstergendas sordes. Si globuli plumbei tutò eximi non possint, neque pressu nervo dolorem moveant, nec in venam vel arteriam impingant, nec in sinum aliquem devolvendo suo pondere sint parati, intus latere sinas. Num vi naturæ eorum ejectionem relinquere nefas ? si ad cutem regeruntur, si in vacuo ventris delitescunt, si inter musculos in membranâ adiposâ interdum nidulantur, non se foverè impunè globulum in sinu prestat quàm periculosè eximere.

V.

GLOBULI plumbei parti cuidam periculosè hærescunt, omni ratione dimoveantur è loco ; pulsu, pressu, frictu, concussione, extractione facili ; si horum nullâ ope ejici possint, nec impunè servari, extrahantur, quâ viâ : eâ quam contraaperturam vocant. Ergò, inquires, non servandi globuli. Imò servandus æger. Melius est cum periculo dubium tentare quàm inconsultò expectare ineluctabile fatum. Vulnus angustum dilatetur, si non longè distent globuli à cute, parte oppositâ extrahe specillo, si ossibus hæreant, terrebello, si in carne consistant, ad eos eximendos conveniunt forcipes cannulatæ, quæ formam exhibent rostri anserini, simulque corvini, si longius distent, tenues oblongæ in modum rostri gruini effictæ, quæ sint rectæ vel incurvæ ; si sint depressi, denticulatæ seu colubrinæ. At hæc fiunt comodo ? Consilioque manue. Intelligen-

4

tiam quæris ? Medici vexilla sub sequere. Manum ? actibus repetitis & exercitio
acquiretur dexteritas. Objicient iterum adagium commune, extranea eximenda
ne noceant : at plumbum innocuum mille exemplis testatur experientia.

Ergo vulneribus ex Catapultis globulos plumbeos relinquere aliquando præstat.

DOMINI DOCTORES DISPUTATURI.

M. Nicolaus - Franciscus LA-
VERNE.

M. Joannes-Nicolaus CORVI-
SART-DESMARETS.

M. Paulus Gabriel LE PREUX.

M. Petrus PUJO.

M. Jacobus de VENZEL.

M. Ludovicus. G'audius GUIL-
BERT.

M. Antonius - Josephus - Victor
LENDORMY-LAUCOUR.

M. Petrus DUFRENAY.

M. Edmund-Claudius BOV'RRU.

Proponebat Parisiis, JOANNES-AUGUSTUS BESNARD, Andegavenfis ;
Doctor Medicus, Andegavenfis, Necnon saluberrimæ Facultatis Medicinæ
Baccalaureus.

Typis QUILLAV, Saluberrimæ Facultatis Medicinæ Typographi. 1790.

